

Vun driweriwer

erscheint auf www.lenauheim.de

monatliche
Erscheinung

Februar 2012

von *Helen Alba*

„Rafft de Mischt doch selwer zamm!“

Die Gschicht do hat sich wohrhaftich in eener Kleenstadt in Deitschland zugetraa. Genau weess ich jetz nit, ob die Bezeichnung Kleenstadt richtich is, vielleicht täte mir do saan, es war ufm Dorf. Doch dorte in Deitschland is ke so Unreschied zwischer Dorf un Stadt, iwerall sin guti Strooße, Blocks un grossi Gschäfte, alli Leit han Heizung un Warmwasser, egal wu se wohne.

Was awer in dem Deitschland in der Silvesternacht tipisch is, des is des Bollre. Die Leit schau nit ufs Geld, wanns heescht, Silvester kummt, mer muss wenschtens e Stund lang mit Knallfresch, Gschosse oder sunschtwas sei Freed ufs neiji Johr bekunde. Un so hat sich ach e Schwowefamilie in dere Kleenstadt dermit abfunn, dass gebollert git. Sie han die Rullos zugezoo, dass die Kiner nit wackrich gin, die wu um selli Zeit schun gschloft han, sin halts ach uf ihre Terrasse un han em Lichterspiel e Weil zugschaut. Doch weger em Krach un Raach, sin se wieder in die warmi Stub un han uf ihre Art es neji Johr begriesst. Doch geger drei Uhr am Morjet sin alli in die Haja gang.

Wie des schun is am Neijohrmorjet, die Weibsleit misse aus de Fedre, weil jo was in de Tippe kumme muss. Es Rita schaut im Hof noh, ob alles in Ordnung is. Un gsieht jo, e Mordsding vun eem Gschoss im Schnee leije. Weil se e große Schäferhund ghat han, denkts sich, es muss em Walter, seim Mann, nor saan, er soll jo de Hund nit nauslosse, nit dass amend was passiert un des Gschoss noch bollre kennt. Doch weil de Walter noch in siessem Schlummer gelee hat un de Hund bei ihm im Zimmer war, hats schnell e Zettl ghol un drufgekrixelt: „Raff erschter es Gschoss im Hof zamm, bevor de Hund nausfiehre tuscht!“ Un hat de Zettl an die Schlofzimmertier gepickt. Währenddessen is es seiner Arweit in der Kich nohgang.

Dereweil is ach die Oma wackrich gin. Ufm Wech ins Badezimmer hat se an dere Schlofzimmertier de Zettl picke gsiehn, neigierich wie se war, de ach gleich gelest un hat gement, des wär e Zettl, der wu sie ufmerksam mache soll, dass se erscht im Hof Ordnung mache sellt. Nix wie e Blei suche, un je wieder an de Zettl. Sie schreibt derdrunnert: „Rafft de Mischt doch selwer zamm!“ So, denkt se, dene han ich mol mei Meinung gsaat!

Wie se awer angezoo war un in die Kich kummt, gsieht se es Rita schun fleissich hantiere. Jetz war se sich nimi sicher, ob der Zettl an sie adressiert war un verzählt, was se gemacht hat. Un die ganzi Familie hat gelacht.